

Unammilleqatigiinnermut inatsit malillugu malittarisassiorneq aalajangiinernilluunniit pisortatut oqartussat nalunaarutiginninnerat pillugu Namminersornerullutik Oqartussat nalunaarutaat nr. 16, 27. juni 2008-imeersoq Atuussimasoq (Historisk)

Unammilleqatigiinneq pillugu inatsisartut inatsisaat nr. 16, 19. november 2007-imeersumi § 2, imm. 7 malillugu aalajangersarneqarpoq:

Nalunaartussaataitanerup annertussusia

§ 1. Namminersornerullutik Oqartussat kommuninilu oqartussat inuutissarsiutigalugu ingerlatsineq pillugu malittarisassiornerat aalajangiisartulluunniit, ingerlatsineq pisortaqqarfimmit nammineq imaluunniit suliffeqqarfimmit aqutsisutut oqartussaasup sinniisuuffigisaani ingerlanneqqarpat, malittarisassiorneq aalajangiinerluunniit unammilleqatigiinnermik killiliisimappat killiliisinnaappalluunniit, malittarisassiorneq aalajangiinerluunniit Unammilleqatigiinnermut Nakkutilliisoqqarfimmut nalunaarutiginnissaaq. Nalunaartussaataitanerup aamma ilaapput akuersissutinik tunniussinerit.

§ 2. § 1 naapertorlugu nalunaartussaataitanerup ilaanngillat Namminersornerullutik Oqartussat kommuninilu oqartussat malittarisassiornerat aalajangiinerilluunniit

- 1) nioqqutissanik kiffatuussinernilluunniit nammineq pisianut, naleqquttumik akuttussusilimmik naligiimmik piunnaasaqatit atorlugit neqeroorutigineqqarsimasunut tunngasuuppat, imaluunniit
- 2) niuernerpi piunnaasaqatit malillugit nioqqutissanik kiffatuussinernilluunniit nammineq pisianut tunngasuuppat.

§ 3. § 1 naapertorlugu nalunaartussaataitanerup ilaanngilaq malittarisassiorneq aalajangernilluunniit,

- 1) tamanut saqqummiunneqqarsimappat, imaluunniit
- 2) unammilleqatigiinnermik killilersuut pisortat malittarisassiornerannit toqqaannartumik pisariaqartumilluunniit kingunerippagu.

§ 4. Unammilleqatigiinnermut Ataatsimiititaliaq aalajangersimasumik nalileereernikkut aalajangersinnaavoq malittarisassiornerit aalajangiinerilluunniit unammilleqatigiinnermut anikkinnerusumik sunniuteqartut nalunaartussaataitanerup ilaatinneqassanngitsut.

Nalunaarutiginninneq

§ 5. § 1 naapertorlugu nalunaarutiginninnermut ilanngunneqassaaq malittarisassiornerup aalajangiinerilluunniit assilinera oqartussat kikkut malittarisassiornermik aalajangiinermilluunniit akuersisimanersut, aamma inuussutissarsiutigalugu ingerlataq suna aalajangiinnermut malittarisassiornermulluunniit pineqqarnersoq nalunaarutigalugu. Malittarisassiorneq aalajangiinerlu ulloq suna akuerineqqarsimanersoq aamma takuneqqarsinnaassaaq.

§ 6. Malittarisassiornerup aalajangiinerullu akuerineqartarnerata kingorna kingusinnerpaamik sapaatit akunneri sisamat qaangiutsinnagit nalunaarutiginninneq Unammilleqatigiinnermut Ataatsimiititaliamut tunniunneqassaaq.

Imm. 2. Nalunaarutiginninnermi allannguinerit aamma akuerineqarnerisa kingorna sapaatit akunneri sisamat qaangiutsinnagit Unammilleqatigiinnermut Ataatsimiititaliamut nalunaarutigineqassapput.

§ 7. Unammilleqatigiinnermut Nakkutilliisoqarfiup nalunaarutiginninnermik tigusineq tigusinerup kingorna ulluinaat kingusinnerpaamik qulit qaangiutsinnagit allakkatigut uppernassassavaa.

Tamanut saqqummiussineq

§ 8. Nalunaarummi matumani § 1-i naapertorlugu malittarisassiornermik aalajangiinermilluunniit nalunaarutiginninneq tamanut saqqummiunneqassanersoq Unammilleqatigiinnermut Ataatsimiititaliamit aalajangerneqassaaq, takuuk unammilleqatigiinneq pillugu inatsisartut inatsisaanni § 15, imm. 2, aamma imm. 4.

Allaffissorneq naammagittaalliornerlu

§ 9. Malittarisassiorneq aalajangiinerluunniit nalunaarummi matumani § 1-i naapertorlugu nalunaartussaataitanermit ilaanersoq Unammilleqatigiinnermut Ataatsimiititaliamit aalajangerneqassaaq.

§ 10. Nalunaarummi matumani § 1-i aamma § 8-i naapertorlugit Unammilleqatigiinnermut Ataatsimiititaliamit aalajangiinerit Nunatta Eqqartuussivianut suliaassanngortinneqarsinnaapput, takuuk unammilleqatigiinneq pillugu inatsisartut inatsisaanni § 26.

Atulersinnerani ikaarsaarnermilu aalajangersakkat

§ 11. Namminersornerullutik Oqartussat kommunillu malittarisassiornerit aalajangiinerilluunniit, nalunaarummi matumani § 1-i naapertorlugu nalunaarutigineqartussat, 1. martsillu 2008-mi atuuttuusut, 1. septemberip 2008 nallertinnagu Unammilleqatigiinnermut Nakkutilliisoqarfimmut nalunaarutigineqassapput.

§ 12. Nalunaarut manna 1. julip 2008-mi atulissaaq.

Namminersornerullutik Oqartussat, ulloq 27. juni 2008

/

Bent A. Sørensen